

برنجی سنه ۰ نومرو ۲

برنسیخه یی ۱ چار نکه در

۱۵ ذی الحجه سنه ۱۲۹۶



مجموعه علوم

هر عربی ایک برزده واون بشنده نشر اولنور

یو غیکن مجرد کیفی و اردردیو بومقوله شیرایله
انس والفت اولنوب برقاق کره تناولله طبیعته
عادت قلنه صکره فراغ ممکن اولمیه اخر عمره دک
کدری چکوب سن وسال زیاده اولدقجه
بل بوکوب هیئت و قیافت کلیسادیوارنده بریر
بو زیلن صورته دونه کشف یتشد کجه برانده
کیرو کچوب قوی وهوس کسلوب وقوف
وشعور کیده نه اولی نه دیری نه او یورنه اوبانی
مذبذب اوله حسن اختیاری ایله بومقامه ایرنار
کندویه عظیم غدر اندکنده شبهه می وارد
بوندنصکره اگر میسر اولوب برطریقله کیمیه
بیاورسه عظیم فرصت وغنیمندر فوت ایلممک
کریک اگر میسر اولمازسه دفعه کسمک مهلکدر
نه چاره استعمال ایدرو شرعا ترکنه مساغ یوقدر
وبعدالابتلا کیف اربانه دخل وتعرض حماقت
وخطا در نهایت سوز هنوز ابتلادامنه دوشمیناری
غفلتدن ایقاظ و کیف اربانک ع اینجساتی
سوریمش یقلانی یقلان کلامی فیحواسنجه یارانه
تکلیف و ابرامی قولانغه کیرمک مصلحتی ایچون
تنبیه ونصیحتدر اعط اخلاک ثمره فان ابی فجزه
* بحث ثامن ابوی رسول الله صلی الله علیه

وسلم بیاننده در

بو بحث دخی معرکدار اولمغله یازلدی

تنبیه اوله بعض خالی الذهن یدنوا بومقوله
بحث حاشا شان شریف نبوی به نقص وازدرا
ایجاب و اقتضایدر زعمی ایله مطلقا جائز دکل صائب
نااهل حقنده وارد اولان منعلری اهله ایراد
وبومغلطه ایله سداب مطارحه ایلمک مراد ایدر
خبری یوق که علم وجواب وسوال وقانون اوزره
هر بایدن قیل وقالدر جناب باری نک ذات وصفات
وافعالنده بیه نیچه هولناک بحثلر وارد که بومقوله
احاث انلرک یاننده مضمحل اولور علامه سعدالدین
تفتازانی شرح عقایدده لوکان فیهما الهیة

الا الله لفسدتا نظم کریمی توحید باری به دلیل
اولوب برهان تمانع ایله شهرت بولشیمکن بودلیل
دلیل اقناعی در توحیده دلیل قطعی اولامازدیمکله
عصرنک یکن فن عالمی باشنه اوشوب اکفار ایلدیلر
انک طرفدن محققردخی نیچه اجاث الزامیه ایله
اسکات ایلدیلر هر عصرده ارباب قتال سیف
وسنان ایله محاربه ایلدکاری کبی ارباب بحث ونظر
دخی قلم ولسان ایله جدال ومحاوره دن خالی اولازلر
انجق بومقوله امورده بحث جائز دکل ظن ایلین
ضعیف واحق بحثه قارشیمق کریک والا حابه
محاوره ده لکدکوب قیل وقال انی پامال ایدر

بوندنصکره مقصوده شروع ایدهلم اوله
حضرت فخر عالم صلی الله علیه وسلم تاریخ
اسکندری نک سکر یوز سکسن برنجی سنه سننده وتاریخ
میلاد عیسی علیه السلام بشیوز یتش سکرنجی
یلنده دنیا به کلوب پدرلری عبدالله بن عبدالمطلب
مکه دن کاربان ایله غزه به کیدوب دونوشده
مدینه منوره ده برروایتده مکه ایله مدینه اراسنده
ابوا ده وفات ایدی عمری یکریمی بش یاخود اوتوز
سال ایدی وفاتنده اقوال وارد اکثر مؤرخین
قتنده حضرت دخی طوغمش ایدی اول سنه
دنیا به کادی بعضلرایکی ایدن یکریمی هکرایه وارنجه
برقج قول نقل وروایت ایدرلر نهایتی ایکی یاشنده
اولال والدعلری آمنه بنت وهب بن عبد
مناف در زوجی عبدالله دن صکره قالب ولادت
حضرتک دوردنچی یاخودالتنجی سنه سننده ابوا ده
وفات ایلدی و بونلرک زمانی زمان جاهلیه
وعالم فترت ایدی حضرت رسول اکرم صلی الله
علیه وسلم قرق یاشنده مبعوث اولدیلر زمان
دعوت ایله انلرک وفاتی اراسنده اقل مرتبه اوتوز
یلدن ارتق اولدوغی تواتر ایله ثبوت یولدی
بوندنصکره ارباب جدلک بو خصوصده ایدکاری
بحث مآلنی برقاق سوال وجوابده ذکر ایدهلم

سوال انبياك والدينى واولادى مؤمن اولوق لازم ميدر

جواب لازم دكدر حضرت ابراهيم عليه السلام پدرى آزر كه اهل تاريخ قنده براسمى دخی تارخدر و حضرت نوحك اوغلى كنعان اهل ايمان دن دكل ايدى نظم كرمده مسطور و منصوص اولدوغندن قطع نظر لزوم دعواسن ايدن انبيا حقه جازات و اجبات مستحيلات ندر بيلحمك لازم كلور بيلد كدن صكره لزوم ادعاسى مكابره در مسموع اولز بو جمله دن صكره حق جل و على نك يخرج الحى من المبت ويخرج الميت من الحى بيوردوغى معنى بو ماده ده وجه ابلغ اوزه ثابت اولوب قدرة تامه سنى اظهار و حكمه بالغه سن اصدار اتمش اولور و بونده امر نبوة صرف عطية الهية اولغه انحصار لازم كلوب شرف حسب و نسب مداخله سى شائبه سنه مجال قالماز و بو خصوص بر مصلحت عظيمه در كه خلافى اشتهاده ملاحظه اولنان مصلحت بونك ياننده شى دكدر

سوال قبل البعثة عالم فترده وفات ايدنلرك حالى نجه در

جواب انلر حقه ائمه اختلاف ايلديلر متكلمين دن اشاعره و اصوليون دن شافعية و ماكنائ معنين حتى نبث رسولا ايتى ايله استدلال ايدوب انلر معذورلر در معذب اولمازلر ديديلر مائر يديه و حنفيه نظر و استدلال ايله توحيد بارى ممكن ايكن ترك اتدكلرى ايجون معاقب اولورلر ديديلر و بعض اخبارده وارد اولدى كه روز محشرده برقاج صنف (ر) اعتذار ايدرلر العذر عند الله و عند كرام الناس مقبول فحواسنجه عذرلر الله تعالى قنده مقبول اولور و اول محله امتحان ايله سعيدى شقيسندن ايريلور يعنى

(ر) مجنون و دلسز و عالم فترده دن يادان كيدنلر كي

انلره امر اولنور كه كتوب نفسلرن جهنمه اتارل سعيد اولنلر بى تردد اتوب نجاه بولور شقيلا اقدام ايدميوب امرى طوبى نلر مخالفت و عصيان ثابت اولوب جهنمه سور يلورلر

سوال فقه اكبر امام

اعظم حضرت اترينك ميدرد كلמידر

جواب اصحاب روايت امامدن روايت اتدكلرى كتب مناقب و روايتده ثابتدر جمله دن امام ابو مطيع بلخي كه يوز طقسان طقوزده وفات اتمشدر طبقات حنفيه ده امام اعظمدن فقه اكبرى روايت ايلدى ديو تصريح ايدر فقير تقويم التواريخده سنه مزبوره وفياتنده اولا سهوا ابو مطيع بلخي صاحب فقه اكبر يازوب صكره راوى تصحيح اتمش لكن صاحب نسخه سى انتشار بو اوب شهر مزك و اعظاملر دن برى كوروب مسئله مذكوره ده بر طرف متعصبانه فقه اكبرى انكار لازم كلوب قوى تمسك اولوق اوزره فقيردن تصحيح نقل طلب ايلدكده اصل مصححه راوى اولدوغى و طبقاتدن نقلنى يازب و بر مشيدم اصحاب روايتسندن غيرى متقدمين و متأخرين دن نيجه افاضل امام اعظم كدر ديو شرح ايلديلر جمله دن برى قدوة الفضلاء و السالكين الشيخ محمد بن بها الدين كه طقويوز الى اوچده وفات اتمشدر اوتوز سنه عزات و عبادت دن صكره عقائد اسلاميه نك يكيكن رواجنه باعث اولوق ايجون فقه اكبرى شرح مراد ايدوب ابن عمى پير على افندى كه بركلى محمد افنديك پدريدر بو بابده انلرايله مشورت ايتدكده استحسن و ترغيب اتمكه بر شرح مفيد و معقول تحرير ايلدى كه آلان بين العلماء متداول و مقبولدر اما امامك دكلرد يينلرك سوزى باطل تعصبدن ناشى نفي صرف و دليل سزده عوى در بعض واهى قرالتى كو سترلر سه نفيه شهادت

کبی مردود اولدوغنده شبهه یوقدر
سؤال امام اعظم حضرت ناری فقه اکبرده
ووالدارسول الله صلی الله علیه وسلم ما تاعلی الکفر
دیدي

جواب شیخ بهاء الدین زاده دیشدر که بومسئله
عقائد دینیه ددرج اولندوغنک سببی بعض کسه ل
کفر حکمی یی ابوین حقنده نفیله افراط اندیلار
بوافراط قواعد اسلامیه دن ظاهرا خروج
اولدوغندن اوتوری انلر حقنده افراط واصل
اسلامیه حقنده تفریط ایدنلری رد ایچون اصول
دیندن قلوب فقه اکبرده درج ایلمدی امام
فخر رازی تفسیر کبیرده ذکر ایدیکی اوزده
سلفده روافض عترتده عصمة دعوی ایدکارندن
بوافراط دخی انلردن صادر اولمشیدی صکره
اهل سنتدن نیچه ل تقلید اندیلار

سؤال کفر حکمی نه در

جواب کفر ایله ایمان ایکی امر باطنی در
اکا اللادن غیری کسه مطلع اولماز الامارات
ظاهره ایله بیلنور امارات ایسه کاه مدلولاتدن
تخلف ایدر مثلا منافق امارتله ظاهرده مؤمن
حکم اولنور اول اجلدن برکسه نک وفاتنده کفرنه
وایماننه قطع وجزمه مجال یوقدر مکر حقنده
نص وارد اولمش اوله زیرانیچه مؤمن سوء
خاتمه یه مبتلا اولور کیدر ونیچه کافره حسن
خاتمه نصیب اولور کفر وایمان حقیقی بومقوله
قلیده مستور اولاندر لکن حکم شرعده امارات
وظاهر حال اعتبار اولنور برکسه وفات ایدکده
ظاهر حالی ایمان ایسه احکام ایمان اجرا اولنور
واکا مؤمن حکمی دنیلور واکر ظاهر حالی
کفره دلالت ایدر سه احکام کفر اجرا اولنور
وکافر حکمی دنیلور پس کفر ایله ایمان
حقیقیان و حکمیان اولوب اارلنده تلازم یوقدر
ابوین حقنده حکمی ایله حکم مقرر لکن

حقیقی یه موجب یقین نص کر کدر نص ایسه
وارد اولما مشدر پس انلر حکمی منزله سنده
قالورلر بوسباق شیخ بهاء الدین زاده نکدر اما
شیخ علی مقدسی که علامه مصر و فرید
عصر در رساله سنده ایدر ماکان للنبی والذین
امنوا ان یستغفروا لالمشرکین ایتنک سبب نزولنده
مفسر لر ایکی وجه ذکر اندیلار بری بو که بوایه
ابوین حقنده نازل اوله مفسرین ومحدثین دن
جمع کثیر ابن عباس دن روایتله نقل ایتدکاری
تواتر مرتبه سنه ایروب اول اجلدن امام فخر
رازی ومتأخرین محققارندن غیر یلر بوجهی
تقدیم اندیلار بعضی انحق سبب نزولده بونی
یازدی وجه ثانی بو که ابوطالب حقنده نازل
اوله علامه جار الله وغیری بوجهی رد ایلدیلار
لکن شیخ عبدالقاهر جرجانی که شیخ عربیه در
ثقاتدن نقل ایله روایات مختلفه ثابته اولسه ممکن
اولدقجه البته ینهم جامع اولنمق لازمدر ایه
کریمه برشخص حقنده نزول اندی ایسه ده
اجماعله معنایی عامدر عبرت عموم لفظه در
خصوص سببه دکل پس لفظ مشرکین واولی
القربی عامدر ایه انه عمه وغیری به شامل اولور
دیو توجیه وجمع ایلدی شیخ علی مقدسی
احیا وایمان ابوین حقنده روایت اولان حدیثک
صدقنی زعم ایینه بوایتک عدم صدق لازم کاور
زیرا نسخ انشا واحکام خصایصنددر اخبارده
جائز دکادر دیو سبب نزول حکمی ایله حدیث
احیانک عدم صدقنه حکم ایلدی صاحب ملتقی
وغیری دخی بومسئله کتدیلا

سؤال بو بایده مخالفة ایدنلر نیچون ایدرلر
جواب امام قرطی تذکره ده نقل اقوال ایلیوب
بعض محدثلر که تحقیق وجمع وتوفیق سمتیله
تقیدلری یوغیدی سیوطی کبی مجرد نقل اولنان
روایتلر ظاهرین یازدیلا انلر رساله لری تحقیقندن

خالی نقل و تقلیده مبنی اولدی کیمی دخی افراط
و تعصب اربابندن اولوب یازدوغی رساله یی
بقمدی و سویلدیکی سوزی قولانغی اشتمیوب
طریق نظر دین خارج و سمت صوابدن دور
مغالطه ایراد ایلدی و اهل قنیده حیز اعتبار
و اعتدال دین دور و مهجور اولدی نیجه سی دخی
حسن ظنه و رعایه ادبه بناء براییکی واهی سوزلر
نقل ایلوب تحقیق مراد اتمدی کمال پاشا زاده
اقتدی کبی جمله سنک ملاحظه سنه کوره
اثرلری وجه دن خالی اولدی

سوال بوباید اولی ولایق نه در

جواب خواص و علمادین خلافت اصلی
بیلوب تحقیقه قادر اولانلر اولی ولایق نه در
بیلورلر نیجه استرلرله اولیه دیوب مقتضای
حاله کوره حرکت ایدرلر اما عوام مؤمنینه لازم
اولان بودر که بوبایدن دم اورمیوب سوز
سویلمیه لر و حسن ظن اوزره اولوب واهی
روایتلر کوره ابوین مؤمن اولقی اومورل دیلر
ترك ادب ایدوب کافر اسمن اطلاق اتمیه لر زیرا
حاشا بوسوزله اهانت قصد اولنورسه عظیم
خطادر ائمه حنابلر دن ابن قدامه مقنع نام
کتابنده قرینه خارجییه مقارن اولورسه سب
نبی حکمن و یروب قتل اولنور دیمشدر امدی انلر
اولی بودر که بو بچشدن امساک و تحاشی ایدلر
لکن سوزحر عامه در خواصه دکل
بحث تاسع ایمان فرعون بختی در

فرعون لفظی مصر مملکتی ملوکنه اطلاق
اولنور لقبدر سلفده هر مصر پادشاهنه فرعون
دیلرلر دی حضرت موسی علیه السلام زمانده
پادشاه اولان ظلما که اهل اسلام مؤرخلری
ولید تسمیه ایدرلر فرعون موسی دیمکه سائرندن
ممتاز اولور فراعنه دن اوچی برروایتده یدییسی
ظالم و جبار اولوب انلرک بیوکی و آخری فرعون

موسی ایدی قصه سی سیروتوار یخده مشهور
و مسطور در بنی اسرائیل جور و ستم اوزره اولغله
مله یهود اراسنده شقا ایلر شهرت بولشیدی
مله اسلامیه ده دخی کذلک دعوا ای الوهیه و جبروت
ایلر مشهور اولوب مقام ذم و عتو و فسادده لازم
کلمه فرعون کییدر دیمکه ضرب مثل ایدرلر
وجه تفاسیر و توار یخده کفر و ضلال اوزره
یازیلوب جمهور اول طرفه ذهاب اولشیدی شیخ
محمی الدین ابن عربی حضرتلری کندی کشفی
و وجدانی اوزره فصوص نام کتابنده فص
موسوی ده فرعونک ایمانی و نجاتی یازب
دعوا سنه نظم کریمده دلیلار کترب قال فرعون
امنت انه لا اله الا الذی امننت به بنوا اسرائیل و انا
من المسلمین فرعونک ایمانه نص صریحدر
و حاله غرق حاله احتضار کبی دکلدر که ایمان
یاس اوله صکره الان و قد عصیت قبل و کنت
من المفسدین ایمانی اول زمانه تأخیر اند و کنته نوع
عتابدر عدم قبوله دلالتی یوقدر یقدم قومه
یوم القیمه فاورد هم النار عدم ایمان اقتضا اتمز
الیوم ننجیک ببدنک لتکون من خلفک ایه نجاتنه
نص در بو کون بدنکه بر سکا نجات و پرورز
ساهله القا ایتکه و روحکه دخی اخرتده نجات
و پرورز تا کیم سنک خلفکده اولان قومه سن بنم
قدر تمه ایت عظیمه اولاسن و برکسه رحمتدن
ناامید اولیه دیو سوق کلام اند کدنص کرده و الامر
فیه الی الله اما استقر فی نفوس عامة الخلق من
شقائه و مالهم نص فی ذلک یستندون الیه دیمشدر
شارح فصوص ایدر شیخ وارث کامل محمدی در
ورثه کاملین نصوصی حقیقت حاله اطلاعدن
صکره استدلال صورتنده ایراد ایدرلر ارباب نظر
و استدلال ایسه نصوص و دلائل ایلر تحصیل
علم ایدرلر و مدعای اوزره نصوص ایراد ایدرلر
پس ایراد نصوص و استدلال صورت واحد